

AKT - THEMELIMI I SHOQËRISË ME PËRGJEGJËSI TË KUFIZUAR "EMANTE" SH.P.K.

Në bazë të ligjit Nr. 7638, datë 19. 11. 1992 "Për Shoqëritë Tregtare" dhe të Ligjit 7667, datë 28. 01. 1993 "Për regjistrin tregtar dhe formalitetet që duhen respektuar nga shoqëritë tregtare", sot në datë 14.02.2006, NIKO KOSTA, i biri i Rustemit, lindur më 03.08.1972 në Përmet, e banues në Vorë, madhor me zotësi të plotë për të vepruar, me pashaportë nr. Z1298490, vendosi të krijojë Shoqërinë me Përgjegjësi të Kufizuar: "EMANTE" SH.P.K.

H Y R J E

Ortaku i vetëm ka të drejta dhe detyrime që rrjedhin nga veprimtaria e Shoqërisë. Qëllimi i këtij Akti është themelimi i Shoqërisë me Përgjegjësi të Kufizuar "EMANTE" SH.P.K.

OBJEKTI

Objekti i veprimtarisë së shoqërisë me përgjegjësi të kufizuar "EMANTE" Sh.p.k. do të jetë:

Import, eksport dhe tregtim të materialeve ndërtimore; panele, profile hekuri dhe plastik, Import eksport dhe tregtim me shumicë dhe pakicë të mallrave industriale, ushqimore, blegtorale, bujqësore, materialeve të ndërtimit, lëndëve të para, parfumerisë; kancelarisë e materialeve e pajisjeve për zyrat, paisjeve elektrike, elektronike, higjeno-sanitare, hidraulike, duraluminit, pllakave të të gjitha llojeve, plastikës, gomës, lëndës drusore e mobiljeve, makinave të të gjitha llojeve e tonazheve, pjesëve të këmbimit, makinerive të ndryshme, konfeksioneve; si dhe investime në fusha të ndryshme.

SELIA

Shoqëria me përgjegjësi të kufizuar "EMANTE" Sh.p.k. do ta ketë selinë e saj në Muçaj, Vorë, Tiranë.

AFATI

Shoqëria me përgjegjësi të kufizuar themelohet për të ushtruar veprimtarinë e saj për një periudhë mbi 10 vjet, duke filluar nga koha e regjistrimit në regjistrin tregtar të Gjykatës së Tiranës. Për shkaqe e arsye të ndryshme, ajo mund të mbarojë aktivitetin e saj dhe para këtij afati. Kjo do të bëhet në përputhje me normat e Statutit dhe Legjislacionit në fuqi.

KAPITALI I SHOQËRISË

Kapitali bazë i themelimit të Shoqërisë përbëhet nga kapitali themeltarë i investuar nga ortaku i vetëm NIKO KOSTA dhe është 100.000 (njëqind mijë) lekë.

Ortaku i vetëm është përgjegjës ndaj Shoqërisë me përgjegjësi të kufizuar për të gjitha detyrimet e marra përsipër dhe përgjigjet për humbjet deri në kufirin e vlerës së kontributit të tij në kapitalin themeltar.



Fondet monetare të Shoqërisë mund të përdoren për zhvillimin dhe zgjerimin e veprimtarisë së saj ekonomiko financiare.

ADMINISTRIMI I SHOQËRISË

Shoqëria do të administrohet nga ortaku i vetëm që do të jetë edhe administratori i saj Zoti NIKO KOSTA, në përputhje me Statutin dhe dispozitat respektive të Ligjit 7638 datë 19. 11. 1992 "Për Shoqëritë Tregtare".

Rregullat për funksionimin dhe drejtimin e shoqërisë janë përcaktuar në Statutin e Shoqërisë private që shoqëron këtë Akt Themelimi.


Të gjitha mosmarrëveshjet me organet shtetërore, personat juridikë e fizikë, vendas e të huaj, do të zgjidhen nga Gjykata e Rrethit Tiranë.

Ky Akt Themelimi përpilohet në katër kopje, duke patur secila kopje fuqi të plotë ligjore dhe nënshkruhet rregullisht nga ortaku i vetëm, me vullnetin e tij të lirë e të plotë. Nga këto një kopje do të depozitohet tek noterja, një kopje për t'u regjistruar tek dega e tatimeve dhe kopja tjetër do të qëndrojë në dokumentacionin bazë të shoqërisë.

ORTAKU THEMELUES
NIKO KOSTA

NIKO KOSTA

N. Kosta



REPUBLIKA E SHQIPËRISË
ZYRA E NOTERISË TIRANË

Nr. 324 Rep.
Nr. 24 Kol.

V È R T E T I M

Në Tiranë, sot, në datë 14.02.2006 (dymijë e gjashtë) para meje noteres LINDITA S. LLESHI, e regjistruar në Dhomën e Noterëve Tiranë, u paraqit personalisht NIKO KOSTA, i biri i Rustemit, lindur më 03.08.1972 në Përmet, e banues në Vorë, madhor me zotësi të plotë për të vepruar, me pashaportë nr. Z1298490, e cila deklaroi se sa më sipër është Akti i Themelimit i Shoqërisë me përgjegjësi të kufizuar "EMANTE" Sh.p.k. i hartuar me vullnetin e saj të lirë e të plotë, e nënshkruan rregullisht para meje dhe unë noterja e vërtetoj atë sipas ligjit.

NOTERE
LINDITA S. LLESHI

L. Lleshi

STATUT

I SHOQËRISË ME PËRGJEGJËSI TË KUFIZUAR

"EMANTE" SH.P.K.

HYRJE

NENI 1

Shoqëria me përgjegjësi të kufizuar "EMANTE" SH.P.K. krijohet mbi bazën e iniciativës dhe kapitalit themeltar të ortakut të vetëm, NIKO KOSTA, i biri i Rustemit, lindur më 03.08.1972 në Përmet, e banues në Vorë, madhor me zotësi të plotë për të vepruar, me pashaportë nr. Z1298490, në bazë të aktit të themelimit datë 14.02.2006, për të ushtruar aktivitetin e saj si person juridik i pavarur.

NENI 2

Shoqëria krijohet dhe e zhvillon veprimtarinë e saj në përputhje me normat e këtij Statuti, Ligjit 7638 datë 19. 11. 1992 "Për Shoqëritë Tregtare" si dhe Legjislacionit në fuqi të Republikës së Shqipërisë.

NENI 3

Kjo shoqëri me përgjegjësi të kufizuar, i përballon humbjet e saj deri në kufirin e vlerës së kapitalit themeltar.

EMËRTIMI, SELIA, OBJEKTI, KOHËZGJATJA

NENI 4

Emërtimi i Shoqërisë tregtare me përgjegjësi të kufizuar është: "EMANTE" SH.P.K.

NENI 5

Shoqëria tregtare me përgjegjësi të kufizuar ka Selinë e saj në Muçaj, Vorë Tiranë. Aktiviteti i Shoqërisë do të zhvillohet në Tiranë dhe do të shtrihet në të gjithë territorin shtetëror të Republikës së Shqipërisë dhe jashtë saj.

O B J E K T I

NENI 6

Objekti i veprimtarisë së shoqërisë "EMANTE" Sh.p.k. do të jetë:

Import, eksport dhe tregtim të materialeve ndërtimore; panele, profile hekuri dhe plastik, Import eksport dhe tregtim me shumicë dhe pakicë të mallrave industriale, ushqimore, blegtorale, bujqësore, materialeve të ndërtimit, lëndëve të para, parfumerisë; kancelarisë e materialeve e pajisjeve për zyrat, paisjeve elektrike, elektronike, higjeno-sanitare, hidraulike, duraluminit, pllakave të të gjitha llojeve, plastikës, gomës, lëndës drusore e mobiljeve, makinave të të gjitha llojeve e tonazheve, pjesëve të këmbimit, makinerive të ndryshme, konfeksioneve; si dhe investime në fusha të ndryshme.

NENI 7

Shoqëria themelohet për të ushtruar veprimtarinë e saj për një periudhë mbi 10 vjet, duke filluar nga koha e regjistrimit në regjistrin tregëtar të Gjykatës së Tiranës. Për shkaqe e arsye të ndryshme, ajo mund të mbarojë aktivitetin e saj dhe para këtij afati. Kjo do të bëhet në përputhje me normat e Statutit dhe Legjislacionit në fuqi.



KAPITALI THEMELTAR I SHOQËRISË

NENI 8

Kapitali themeltarë i Shoqërisë përbëhet nga kontributi i ortakut të vetëm, Zoti NIKO KOSTA, me shumën 100.000 (njëqind mijë) lekë.

NENI 9

Kapitali i Shoqërisë depozitohet para fillimit të aktivitetit të Shoqërisë.

NENI 10

Kapitali themeltar mund të shtohet ose të zvogëlohet, në varësi të rezultateve dhe në përputhje me normat e legjislacionit në fuqi. Ai mund të jetë në lekë ose në valutë të huaj.

NENI 11

Kapitali themeltar mund të transferohet jashtë Shoqërisë, ose të lihet peng, në përputhje me legjislacionin në fuqi.

NENI 12

Kapitali themeltar është lehtësishtë i transferueshëm në rrugë trashëgimie. Bashkëshorti, paraardhësit dhe pasardhësit mund të bëhen ortakë në Shoqëri nëpërmjet transferimit të pjesëve të kapitalit dhe sipas kushteve të parashikuara me ligj.

NENI 13

Shoqëria mund të ketë dhe kontribute të tjera në natyrë. Këtu përfshihen të gjitha sendet e paluajtëshme në shërbim të Shoqërisë si dhe ato të luajtëshme, të cilat kalojnë në pronësi të Shoqërisë.

FONDET E SHOQËRISË

NENI 14

Shoqëria përcakton fondet:

- Fondi themeltar (qarkullues);
- Fondi rezervë;
- Fonde të tjera, që mund të jenë të nevojshme gjatë veprimtarisë së saj.

Madhësia e secilit fond përcaktohet mbi bazën e vendimit të organit drejtues, i cili merr vendim gjithashtu edhe për qëllimin e përdorimit të tij.

DREJTIMI ADMINISTRATIV

NENI 15

Shoqëria ka si organe drejtuese: 1. Asambleja e ortakëve (Ortaku i vetëm) dhe Administratori. Ortak i vetëm është Zoti Niko Kosta, i cili është njëkohësisht dhe administrator i shoqërisë.

NENI 16

Ortaku i vetëm, për administrimin e Shoqërisë ose të aktiviteteve të veçanta të saj ka kompetencë të emërojë një ose disa persona të tjerë si administratorë të Shoqërisë. Kompetencat e administratorëve të mundshëm përcaktohen në aktin e emërimit të tyre, të lëshuar nga ortakut i vetëm.

NENI 17

Shoqëria nuk merr përsipër veprimet që mund të kryejnë administratorë të tjerë të mundshëm, në marrëdhënie me persona të tretë që i tejkalojnë kompetencat e tyre të përcaktuara në aktin e emërimit.

N. 03/19



NENI 18

E gjithë veprimtaria e Shoqërisë përcaktohet nga ortaku i vetëm i saj në përputhje me Statutin dhe legjislacionin në fuqi.

NENI 19

Ortaku i vetëm për të shqyrtuar bilancin vjetor, të ardhurat e qarkulluara, si dhe mënyrën e mbajtjes së regjistrave të veprimeve kontabël, emëron një ose disa ekspertë kontabël. Emërimi i ekspertëve kontabël është i detyrueshëm për rastet e parashikuara me ligj.

KOMPETENCAT E ORTAKUT TË VETËM

NENI 20

Për sa kohë që Shoqëria do të përbëhet nga një ortakë i vetëm, kompetencat e tij do të jenë:

- Vendos për ndryshimet në Statutin e Shoqërisë dhe miraton rregulloret për sektorët e veçantë të saj.
- Emëron dhe shkarkon administratorët dhe përcakton kompetencat e tyre në aktin e emërimit.
- Shqyrton bilancin vjetor, kuotat e fondeve të ndryshme dhe fitimin e realizuar.
- Vendos për krijimin e filialeve, degëve ose përfaqësive të Shoqërisë si dhe për krijimin e shoqërive të përbashkëta.
- Vendos për marrjen e kredive si dhe për mbarimin e aktivitetit të Shoqërisë, nëse në dokumentacionet financiare, rezultatet e Shoqërisë vlerësohen me humbje.
- Realizon marrëdhëniet më të rëndësishme financiare dhe ekonomike të Shoqërisë me persona të tjerë fizikë dhe juridikë.

KOMPETENCAT E ADMINISTRATORIT

NENI 21

Administratori e shoqërisë ka për detyrë:

- Të punojë, të drejtojë e të organizojë në mënyrë të tillë që të sigurojë suksesin e Shoqërisë në veprimtarinë e saj ekonomiko-financiare;
- Të zbatojë vendimet e marra nga ortaku dhe urdhërat e tij, të dhëna brenda kompetencave të përcaktuara nga Statuti i Shoqërisë dhe legjislacioni në fuqi;
- Të paraqesë në mënyrë të rregullt raportin e administrimit, të inventarit, bilancit dhe të llogarive vjetore, ortakëve brenda një afati 6 muaj pas mbylljes së vitit financiar paraardhës;
- Realizon dhe përcakton çmimet e punimeve të kryera si dhe të shitjeve të artikujve të tregtuar.
- Vendos për pagat e personelit të Shoqërisë.
- Ndjek problemet e Shoqërisë në marrëdhëniet me organe të ndryshme shtetërore dhe me persona të tjerë fizikë dhe juridikë.

MARRËDHËNIET FINANCIARE

NENI 22

Shoqëria me përgjegjësi të kufizuar "EMANTE" SH.P.K., mund të lidhë kontrata me sektorë shtetërorë, drejtpërdrejt me tregun e lirë, si dhe me persona fizikë e juridikë, vendas ose të huaj.

NENI 23

Në marrëdhëniet kontraktore, Shoqëria përfaqësohet nga ortaku i vetëm ose nga persona të autorizuar prej tij. Të drejtat dhe detyrimet që rrjedhin nga kontratat janë të detyrueshme për Shoqërinë.



NENI 24

Shoqëria ka të drejtë të plotë të çelë llogari likuiduese pranë Bankave të vendit ose të huaja në Shqipëri, shtetërore ose private dhe të kryejë veprimet e likuidimit nëpërmjet tyre. Për sigurimin e veprimtarisë ka të drejtë të vetëfinancohet në lekë ose në valutë të huaj.

NENI 25

Shoqëria përgjigjet për kontributet fiskale, afatet e derdhjes së tyre dhe sigurimet shoqërore. Personat e ngarkuar me këtë detyrë duhet të mbajnë dokumentacion të rregullt financiar.

Administratori në fund të vitit duhet të dorëzojë në organin tatimor përkatës bilancin e të ardhurave për efekt të tatimit vjetor.

Viti financiar mbaron në muajin dhjetor të çdo viti. Raportet dhe inventaret vjetore hartohen nga ortaku i vetëm në përputhje me dispozitat e këtij Statuti dhe Legjislacionin në fuqi.

MARRËDHËNIET E PUNËSIMIT

NENI 26

Ortaku i vetëm vendos për personat që do të punësohen në aktivitetin e Shoqërisë. Punësimi do të bëhet në përputhje me aftësitë profesionale të punëmarrësit.

NENI 27

Marrëdhëniet e punësimit rregullohen sipas kontratës së punësimit që lidhet midis palëve, në bazë të Kodit të Punës dhe akteve ligjore e nënligjore në fuqi. Në kontratë caktohen kushtet e punës, të pagesës, sigurimit në punë, ditëve të pushimit etj.

NENI 28

Administratori dhe personeli i Shoqërisë është i detyruar të respektojë disiplinën e punës, të ruajë dhe të mirëmbajë pronën dhe të zhvillojë aktivitetin e Shoqërisë në përputhje me ligjin.

NENI 29

Ndaj shkeljeve të ndryshme zbatohen masa disiplinore që merren nga ortaku i vetëm. Punonjësi që largohet nga puna duhet të bëjë dorëzimet e detyrës në bazë të një akti me shkrim, pasi të ketë shlyer detyrimet materiale dhe monetare.

PËRGJEGJËSIA E PUNONJËSVE

NENI 30

Çdo punonjësi i punësuar në Shoqëri është personalisht përgjegjës për kryerjen e detyrës. Ai është i detyruar të përmbushë detyrimet që rrjedhin nga kontrata e punës, nga vendimet e administratorit dhe nga Statuti i Shoqërisë. Për shkelje të tilla dhe për shkelje të Legjislacionit në fuqi merren masa të ndryshme sipas ligjit.

KONFIDENCIALITETI

NENI 31

Të gjithë personat që do të punësohen në shoqëri janë të detyruar të ruajnë fshehtësinë e dokumentacionit, të informacionit, të njohurive të fituara si dhe të çdo lloj materiali tjetër konfidencial.

Ata duhet të adaptojnë të gjitha masat e nevojshme për të parandaluar hapjen e këtyre qoftë edhe pjesërisht.

NCOS 9

BILANCI DHE TË ARDHURAT

NENI 32

Të ardhurat neto, pas shlyerjes së detyrimeve fiskale, sigurimeve shoqërore dhe detyrimeve të mundshme ndaj personave të tretë, kalojnë në dispozicion të ortakut të vetëm Zoti NIKO KOSTA, i cili mund t'i depozitojë në një bankë të vendit ose të huaj, në lekë dhe valutë.

NENI 33

Pagesat e personelit bëhen sipas kushteve të përcaktuara në kontratën e punës dhe përqindjeve të fitimit të përcaktuara nga ortaku i vetëm.

NENI 34

Në rast të mbarimit të veprimtarisë së Shoqërisë, fitimi i realizuar duke zbritur ose duke shtuar përqindjet e mbartura nga vitet e mëparshme, kalojnë në dispozicion të ortakut të vetëm ZOTIT NIKO KOSTA.

NENI 35

Çmimet e shërbimeve të ofruara nga Shoqëria si dhe ato të tregtimit caktohen në bazë të parimeve të ekonomisë së tregut të lirë. Fitimet e realizuara i nënshtrohen tatimit vjetor të përcaktuar në dispozitat përkatëse ligjore.

SHPËRBËRJA E SHOQËRISË

NENI 36

Veprimtaria e Shoqërisë mbaron me vendim të organit drejtues, në rast se veprimtaria e saj nuk rezulton fitimprurëse si dhe për shkaqe të parashikuara me ligj.

NENI 37

Shoqëria mund të mbarojë edhe me anë të riorganizimit, nëpërmjet formave të thithjes ose të bashkimit.

NENI 38

Në rast mbarimi, SHOQËRIA duhet të likujdohet, duke iu nënshtuar procedurave të likuidimit.

Për të administruar këtë procedurë, Ortaku i vetëm emëron një ose më shumë likuidatorë, të cilët paraqesin raportet përfundimtare mbi gjendjen e aktivitetit dhe pasivitetit të SHOQËRISË, mbi operacionet e likuidimit dhe mbi kohën e nevojshme për të përfunduar likuidimin.

Me përfundimin e procedurës së likuidimit të SHOQËRISË, Ortaku i vetëm do të vendosë, mbi bilancin vjetor përfundimtar, mbi vlefshmërinë e punës së kryer nga likuiduesi dhe mbi përfundimin e procesit të likuidimit.

Pas pagesës së kreditorëve dhe mbledhjes së kredive, likuidatori do t'u shpërndajë të ardhurat përfundimtare të likuidimit ortakut të vetëm.

DISPOZITA TË FUNDIT

NENI 39

Pasuria e Shoqërisë mund të sigurohet në ndonjë institut sigurimi.

NENI 40

Mosmarrëveshjet në marrëdhënie me persona juridikë e fizikë, vendas e të huaj, zgjidhen me mirëkuptim, në të kundërt, gjykata kompetente është Gjykata e Shkallës së Parë Tiranë.

NKOSTA

NENI 41

Çdo gjë tjetër në këtë Shoqërië i referohet Ligjit Nr. 7638, datë 19. 11. 1992 dhe çdo akti tjetër të legjislacionit shqiptar.



NENI 42

Shoqëria do të ketë vulën e saj forma dhe përmbajtja e së cilës përcaktohet nga ortaku i vetëm i Shoqërisë.

Statuti i Shoqërisë u miratua nga ortaku i vetëm dhe administratori i saj dhe u nënshkrua rregullisht prej tij.

ORTAKU I VETËM
NIKO KOSTA

NIKO KOSTA



REPUBLICA E SHQIPËRISË
ZYRA E NOTERËVE TIRANË
Nr. 1323 Rep.
Nr. 83 Kol.

V È R T E T I M

Në Tiranë, sot, në datë 14.02.2006 (dymijë e gjashtë) para meje Noteres LINDITA S. LLESHI, e regjistruar në Dhomën e Noterëve Tiranë, u paraqit personalisht NIKO KOSTA, i biri i Rustemit, lindur më 03.08.1972 në Përmet, e banues në Vorë, madhor me zotësi të plotë për të vepruar, me pashaportë nr. Z1298490, e cila deklaroi se sa më sipër është Statuti i Shoqërisë me përgjegjësi të kufizuar "EMANTE" Sh.p.k. i hartuar me vullnetin e saj të lirë e të plotë, e nënshkruan rregullisht para meje dhe unë noteri e vërtetoj atë sipas ligjit.

NOTERE
LINDITA LLESHI

